

اداره مخصوصه

درسعادته باب عالی جاده سنده

محل اداره :

مستطابق

اخطار :

سلکمه موافق آثار جديه مع المنوریه
قبول اولنور
درج ايله بن آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بر دفعه نشر اولنور.

صاحب و مؤسسى :

ابوالعلا زين العابدين — ح. اشرف اديب

تاريخ تأسيسى

۱۰ تموز ۳۲۴

درسعادته نسخه سى ۵۰ پاره در

قىرله دن مقوا بورو ايله كوندريلىر سه سنوى
۲۰ غروش فضله آلنير

درسعادته پوسته ايله كوندريلىر سه ولايات بدلى اخذ اولنور

سنه لى	التى آيلنى	غروش
۸۰	۴۰	»
۸۰	۴۰	»

ولاياتده
ممالك اجنبیه ده

عدد : ۵۱

۱۰ شعبان ۳۲۷ پنجشنبه ۱۳ اغستوس ۳۲۵

ايکنجى جلد

انكلتره واسلاميت

هندستان جەمئيت اسلاميه سنك كچنلرده پك چوق انكاز مشاهيري حاضر بولنديني حالده واقع اولان اجتماعده پروفيسور (ايوان موللر) :

« انكلتره مسلمانلره نەلر مديوندر ؟ »

عنواني التنده اوزون برنطق ايراد ايتمشدر . بونطقك اك مهم فقره لرني بروجە آني اقتباس ايدىيورز :

« عالم اسلاميتده يقينده مهم تجددلر وقوع بوله جقدر . بوكا اك بيوك برهان ، ممالك عثمانيه ده اخير آجريان ايدن تحولات مهمدر . بوتحوللر ، اهالي سى مياننده مسلمان بولونان هر مملكتده تاثيريني كوستره جقدر . تحولات مبحوثه ده اك زياده علاقه دار اولان خريستيان ممالكتي ، انكلتره در . انكلتره بوتجده ده هند مسلمانلرينك اشتراكى تايمين ايچون هر درلو وسائط ممكنه ايله جهالتلريني ازاله يه وكسب عرفان ايتلرينه چالشمش ومع مافيه نظريات اسلاميه يه منافي هيچ برتشدنه بولونما مشدر .

غرب مديني اسلاملره پك چوق شيلر مديوندر . اديان سائره اربابنه انسان نظري ايله باقني ، تحصيل علوم ايچون هيچ برمانه دن قورقمايني ، واسكي پاپاس تعصبي اونونمى مسلمانلر غريللره اوكر-تمشدر . علوم مدينيه نك هيچ برقسى موجود دكلدر كه تأسيس وياتر قيسى اسلاملره مديون اولماسين . حتى ديه بيليرمكه مسلمانلرك خدمات علميه سندن قطع نظر ايدرسهك اوروپا مديتتك باشلي باشنه براساسه مالك اولمديغني كورورز .

امور سياسي ده مسلمانلره پك چوق جهتلردن طولايي درجه سز مندارز . بزه هندستانده مسلمان حكمدارلرينك وارنلري يرينه كچك . بوكون هندستانده تطبيق ايتديكمز اصول اداره وقتيله اسلام حكمدارلرينك كرك بوراده ، كرك مصر ، ايران وانكليسدك موفقتيله تطبيق ايتدكلري اصول اداره دن باشقه برشي دكلدر . بوقدر مخالف اجناس واديانه مأوى اولان بوقدر واسع برملاكتي باشقه برصورتله اداره ايتك امكان خارجنده در .

بونك ايچون هندستانده تطبيق ايتديكمز اصول اداره نك نظريات اسلاميه يه موافق اولمسنه هر جهته چالشمشدر . نظريات اسلاميه نك خارجنه چيقيديغمز جهتلرده مطلقا دوچار هزيمت اولدق . » (آلشدر) هندستان جماعت اسلاميه سى بوحق كويانه نطقدن طولايي پروفيسور موللره بيان تشكرات ايتمكه اتفاق آرا ايله قرار ويره مشدر .

روسيه :

روسيه ده داخله ناظري بتون واليله بر بيساننامه كوندره رك حرمت دينيه اعلان اولونديني كوندنبري -- درت سنه ظرفنده -- خريستيانلني ، اورتودوكس مذهبني ترك ايدنلرك [يعنى اكثريت اوزره مسلمان اولانلرك] جدول و ايستانستيقني طلب ايلمشدر .

بوايستانستيق دوما مجلسنه تقديم ايدهر ك متعصب خريستيان اعضالرك نظر دقتلريني جلب ايلمك ، باطاسه نازك دامارلرينه طوقونلمق ، روسيه ده خريستيانلنك ، اورتودوكسلنك انقراضه يوز طوتمش اولديغني كوسترمك ، بوصورتله حرمت دينيه قانونني لغوايتك يولني حاضر لامق آرزو اولنور . آكلاش بيلديغنه كوره داخله نظارتنك شو تشبثي «سينود» مجلسنك ابرام واصراري اوزرينه اجرا ايدلمكده در .

§ پترسبورغده برجامع انشاسي ايچون تشكيل اولونان قوميسيون اعضاسندن وروسيه عسكري ضابطانندن عبدالعزيز افندي ايله جنرال شيخ علي حضرتلري ، جامك انشاسنه باشلامق خصوصنده مساعده آلمق ايچون باش وكيل استوليپين جنابلريله كورشمشدر . موسيو استوليپين مساعده ايديله جكني وعدايتمش ، ولايحه ايماطور طرفندن تصديق اولمشدر .

اولجه مجلس ايماطورى ، بخارا اميري عبد الاحد حضرتلري طرفندن صاتون آلوب جامع ايچون ويريلن عرصه ده تأسيس وانشا اولمسي تقرر ايدن جامع شريفك مناره لري بر چوق كليسالرك قوله لري اره سنده شهر ك لطافت مناسظريني اخلاص ايدمك زعم و بيانيله حكومتجه مساعده اولنماسي رايينده بولنش ايسه ده باش وكيل طرفندن بو بابده مساعده سبق ايتمش اولديني و بنايرين ممانتاك آرتق معقول اولميه جني ملاحظه سييله مطالعة مذ كوره رد ايدلمشدر .

جامعك انشا ايديله جكي يرده بولنان بنالر هدم ايدلمكده ولوازم انشائيه احضار اولمقده در .

جامعك رسمي قريباً قارت بوستانل شكلنده نشر ايديله جقدر .

فلبه ده تركجه نشر اولنان « كونس » غزته سنك ۱۲ ، ۱۴ ، ۱۵ ، ۱۶ ، ۱۷ ، ۱۸ نومرولى نسخهلرند م رجانك خلاف شرع شريف اولوب بين الاهالى فكر ارتجاع توليد ايدمك و مقات مذ كوره نك ناشري تبعة دولت عليه دن اولديني حالده حقنده شرعاً جزا ترتبي لازم كله جكي مقام سامى مشيختدن اشعار بيورلمش اولمسنه مبنى ناشر وصاحب مقالاتك ممالك شاهانه يه داخل اولدقلىرند حقلرنده ايجاب شرعي اجرا ايدمك ومذ كور غزته نك صورت قطعيه ده منع دخولى اسبابنك استكمالي ومقالات مذ كوره مغاير شريعت ترهاتدن عبارت بولنديني جهته شايان التفات اولمديغندن غزته لرله اعلاني ديوان حرب عرفجه تحت قراره آلمش و باب عاليه اشعار كيفيت ايدلمشدر .

استانبولده اداره عرفيه جاري اولديني جهته مذ كور غزته نك هان منع ادخالى اسبابنك استكمالي حقنده داخله نظارت جليله سنجه امنيت عموميه تلغراف و پوسته مديريت عموميه لرينه تبليغات ايفا قلمشدر .

احمد ساقى بك

مدير مسئول :

اشرف اديب

مطبعه سى